



UNIVERSITÄTS-  
BIBLIOTHEK  
PADERBORN

## **Crisis Theologica**

**Cárdenas, Juan de**

**Sevilla, 1687**

Cap. III. An ignorans culpabiliter ea duo mysteria sit capax absolutionis?

---

[urn:nbn:de:hbz:466:1-75689](https://nbn-resolving.org/urn:nbn:de:hbz:466:1-75689)

rat, etiam invincibiliter non est capax absolutionis.

13. Deinde dicendum est, eam propositionem sub illis formalibus terminis conceptam, esse damnatam in hoc decreto. Etenim prima pars propositionis damnata, vt dixi cap. precedenti, cum non possit habere sensum particularem, habet vtique sensum vniversalem, de omnibus mysterijs Fidei, vel de omnibus præcipuis ex obligatione credendis; sed in hoc sensu vniversali, quod [capax est absolutionis, qui ignorat omnia mysteria Fidei, vel omnia præcipua] continetur ista, [capax est absolutionis, qui ignorat mysteria Fidei necessaria necessitate medij.] ergo etiam hæc propositio damnata manet. Nam sicut est de Fide, quod Deus vult, Petrum saluum fieri; quia est de Fide, quod Deus vult omnem hominem saluum fieri, quia prima continetur in secunda: ita in hac vniversali. [Ignorat omnia mysteria Fidei] includitur hæc [ignorat mysteria Fidei, quæ sunt necessaria necessitate medij.] Et ideò propositio quæ loquitur de prima, loquitur de secunda; & vbi damnatur prima, damnatur, & secunda.

### CAPVT III.

*An ignorans culpabiliter ea duo mysteria sit capax absolutionis?*

#### SUMMARIVM.

*Qui ignorat hæc Mysteria Trinitatis, & Incarnationis non est capax absolutionis. num. 14.*

*Quid faciet confessarius cum rustico, de quo suspicatur esse ignarum. num. 15.*

*Dum suspicatur, & nequit fieri cer-*

*tior, absoluat num. 16.*

*Etiam si certus sit de ignorantia rustici moribundi, absoluat sub conditione. num. 17. & 18.*

*An id contineatur sub damnatione. num. 19.*

14. **P**ARS affirmans in hac questione est, quæ expresse damnatur in hoc decreto tamquam scandalosa; hæc enim est secunda pars propositionis damnata: censeoque, eam esse evidenter fallam. Probatur. Nō est capax absolutionis, qui actualiter peccat mortaliter, dum absoluitur, vt ostendi in 3 part. Cris. Theolog. disp. 70. cap. 4. art. 2. sed qui ignorans culpabiliter hæc duo mysteria absoluitur, iste peccat mortaliter, dum absoluitur: ergo est incapax absolutionis. Probatur minor. Nam licet hoc præceptum ad discendi doctrinam Christianā de his mysterijs, quia affirmativum est, non obliget pro semper, sed in talibus circumstantijs, at nulla circumstantia vrgentior considerari potest, dum homo vivit, quam circumstantia confessionis Sacramentalis; vnde tunc peccat mortaliter, quia tunc vrget præceptum. Deinde, quia etiam est præceptum non ignorandi, sive non differendi notitiam horum mysteriorum, & hoc modo obligat semper, & pro semper. Vnde tunc peccat mortaliter, quia tunc vrget præceptum non differendi eam notitiam. Præterea, quod hæc ignorantia culpabilis sit peccatum mortale, dubitari non potest, cum materia præcepti sit a deo gravis.

15. Inquires primo. Quid ergo faciet confessarius qui vocatus ad conferendum Sacramentum Pœnitentiæ homini moribundo rustico, & in syluis continuo commoranti, præsumit eum esse ignarum horum mysteriorum; & quia summè gravatus est infirmitate, non potest inquirere, an habeat

habeat sufficientem notitiam horum mysteriorum, neque potest habere attentionem, vt doceatur?

16. Respondeo, in illo casu debere absolvi, saltem sub conditione, cum non sit certum, illum esse indispositum, aut incapacem absolutionis. Et in dubio tutior pars pro salute moribundi eligenda est.

17. Inquires secundo, quid facere debeat confessarius, qui certus est, rusticum moribundum ignorare hæc Mysteria Trinitatis, & Incarnationis, & videt, illum ita esse gravatum infirmitate, vt instrui nequeat; qui tamen signa contritionis edidit, & confessionem postulavit? Qui censent, Fidem explicitam horum mysteriorum esse necessariam necessitate medij ad iustificationem; neque sufficere eam Fidem in voto, forte censent hunc hominem non posse consequi salutem, atque adeo non esse absolvendum, etiam sub conditione.

18. Sed dicendum est, eum debere absolvi, saltem sub conditione. Et ratio est; quia non est certum, illum esse indispositum; est enim probabile, Fidem explicitam horum mysteriorum non esse necessariam necessitate medij in re, sed sufficere in voto, vt tenet quarta sententia cap. 1. relata; atque adeo non est certum illum esse indispositum ex defectu huius Fidei explicitæ. In hac ergo incertitudine tutior pars eligenda est pro salute aeterna moribundi.

19. Dices, hanc resolutionem adversari damnationi præfatæ propositionis 64. Ex illa enim asserendum est tamquam certum, rusticum culpabiliter ignarum horum mysteriorum non esse capacem absolutionis; sed ille rusticus baptizatus, quamvis in sylvis sit enutritus, culpabiliter ignorat ea duo mysteria, cum debuerit ea addiscere:

ergo in capax est absolutionis, etiam si moribundus sit. Sed huic obiectioni melius satisfacet cap. vlt.

C A P V T IV.

*An ignorans inculpabiliter ea duo mysteria sit capax absolutionis.*

SUMMARIVM.

*Incapax est absolutionis etiam qui dum vivit, ignorat inculpabiliter hæc duo mysteria. num. 20.*

*Contrarium subiacet damnationi. num. 21.*

*Obiectio de ignorantia omnium mysteriorum. num. 22.*

*Solutio ex notitia mysteriorum, quæ sunt præcipua. num. 23. & 24.*

*Moribundus inscius horum mysteriorum, & incapax instrui, absolvi potest. num. 25.*

20. **S**It prima conclusio. Qui dum vivit, inculpabiliter ignorat hæc duo Mysteria Sanctissimæ Trinitatis, & Incarnationis incapax est absolutionis, adeo vt confessarius id advertens peccet gravissime, absolvendo; & poenitens petendo absolutionem. Et ratio est: quia dum accedit ad confessionem, vt sibi remittantur peccata sua, non potest moraliter contingere, vt non agnoscat incuriam suam in addiscendo aliquid de doctrina Christiana. Quid enim de eâ scire potest, qui hæc ignorat? Confessarius autem non potest moraliter non advertere rusticitatem, & inscientiam hominis; atque adeo facile intelliget, quam sit ignarus horum Mysteriorum. Tenebit ergo confessarius ad instruendum illum prius quam absolvat, & si poenitens renuerit, iam ignorantia erit culpabilis.

Ccccc 2 An